

四庫全書

集部

欽定四庫全書

文苑英華卷五百九十一 宋 李昉等 編

謝親屬加官

此卷英華所編失年代先後今正之

爲魏王武承嗣謝男授官表一首

爲王華暢謝兄官表一首

爲桓彥範謝男授官表一首

爲并州長史張仁亶謝賜長男官表一首

謝弟誥除給事中自求改職表一首

謝兄除太常丞表一首

爲李晉公謝賜兄章服表一首

謝兄除補闕表一首

爲許卿謝堂弟叔冀授青州節度使表一首

爲崔僕射謝許弟寬宣慰表一首

代郭令公謝男尚公主表一首

爲崔僕射謝弟除給事中表一首

爲郭令公謝一子三品官表一首

代李僕射謝男賜緋魚袋表一首

謝妻封弘農郡夫人表一首

謝兄授太子僕表一首

謝兄授祕書省著作郎表一首

代尹僕射謝男宥授安州刺史表一首

代杜司徒謝男授官表一首

代杜司徒謝妻封邑表一首

謝兄除官表一首

為族兄瑗謝守度支尚書表一首

代戶部孫相公謝授兄太常卿表一首

為魏王武承嗣謝男授官表 李嶠

臣某言伏奉恩制除臣息尚舍直長史某為左監門衛
長史榮隨恩集歡與懼并臣攀軫日車附流星漢才無
天質藝以地高陛下每降皇情特垂聖蔭先親後疏之
澤自葉流根謀孫翼子之慈愛人及息遂復推恩家室
假職幼童參九等之班榮掌重門之禁衛賞延之命寧

待於勳庸敦叙之風但緣於骨肉雖東平之子能趨拜
咸錫印章齊國之地可割分悉侯支庶豈足以方斯嘉
惠匹此殊渥奉絲綸而仰德叩木石而論心受生於天
但知榮荷暴骨於地何階酬答無任悚戴慙懼之至謹
詣朝堂奉表陳謝以聞

爲王華暢謝兄官表

臣某言臣兄某前某官某月日特蒙恩詔擢授武州司
馬未及赴職即八月改除亳州司馬再三榮命叨荷恩

私在臣宗門實為慶幸臣兄自歸解中從仕三十餘年
五為縣宰三遷州佐政皆通顯職實蕃勤直道在公有
始終之節平心應物無造次之愆在於周行頗蒙推澤
近屬虺寇構術惑亂豫州註誤平人自貽梟滅陛下憫
荆河之俗遭此無辜弔海濱之人使同昭慶以為奉揚
皇化者必藉其才撫御窮人者亦資有德臣兄同濫承
天獎遷移武州在於天恩實為超擢今者未及赴任復
蒙改授亳州重疊承恩翻同貶降朝廷體例實以為先

臣兄弟叨榮濫竊非據臣兄既授不合冒聞但以始者承恩越蒙抽擢今有何過遂同左遷區區懇誠輒敢祈懇伏願皇恩有裕降昭獎之恩兄果竭忠獲展才之地小臣死日猶生之年臣無任

爲桓彥範謝男授官表

吳少微

臣某言伏奉某月日恩勅以臣男某爲某官臣實多幸偶遭皇運鳴玉以相建土而王大錫崇榮斯亦極矣先臣老母復荷渥

一作甚

恩追亡寵存光被窳窳自妻及弟

雙綬

一作綬

六珈闔門振耀惶懼

一作愧

未已今臣子某識

惟髻弁

一作年方髻亂

服臣之榮為祿已甚更承天秩將何以

一作克

堪殊澤荐臨斯厚臣寵

一作闔門光寵

敢不祇承拜命之

休無任悚荷之至

為并州長史張仁亶謝賜長男官表

富嘉謨

臣某言伏奉二月十四日勅賜臣絹一百疋又奉其月二十六日勅除臣男之輔尚舍直長史麗澤之來匪月

而降受賞轉級惟臣及子寵渥所分臣無與二夙夜惶
悸萬殞增惕然旌節所統緣邊千里禦寇既廣兵賦自
殷受任非據屢移年紀未能司大事而靜外處疑汜小
康而蠲內役而崇班厚貺載在臣門將何以祇拜殊渥
光顯休命此微臣所以有死無報也南望闕庭以榮受
疑作懼無任慙款之至謹附表陳謝以聞

謝弟誅除給事中自求改職表

蘇頲

臣某言伏奉今月二十四日勅以臣弟左司郎中臣詵

爲給事中嘉命猥臻

一作臨

惶怖相視榮以爲感

一作感

茫

然失圖臣某中謝臣兄弟一作兄弟數人獲承累代之庇自

幼而長惟愚與直臣

一作弟

某臣詵初一尉耳竊願從微

守分豈思養拙邀榮而乾道曲臨

一作臣

門特幸前恩

罔謝後忝仍及生臣者父母寵臣者聖明非臣等殞首

流腸少酌萬分之一臣某中謝臣自叨清切頗歷星霜

乏鍾會五字之敏多王濛四年之任竟未能陳一策進

一賢雖蟲粗辨其所爲濡翼久知其非據下慙先臣戒

盈之訓上負聖主則哲之明常甘屏黜以待髦俊豈悟

臣詵復私成造比臣則行有餘力選衆則曾無足言遂

使聯事披垣同趨階

一作起軒

陛或紊公式必招私議臣知

不可物謂臣何

一作其宜

安有兄弟妄庸並居東西要近臣

懷醜愧非敢身謀事或乖

一作虧

違實塵皇揆伏乞鑒臣

自下之審察臣由表之請

一作至

臣弟詵殊榮既拜奉綸

紱

一作緋

而難迴臣頹薄技何成顧瓶筭而易竭指於十

手臣假遑寧不如一腋臣將焉用所冀移臣職守允臣

陳乞

一作請

抑朝章之是移匪等列

一作臣等

之攸宜悽悽款

誠昧死期達無任悚荷屏營之至

一作極

謹詣肅章門外

奉表以聞又臣先臣某往忠社稷陛下特賜茅土遂臣
所讓因授臣第四弟又右補闕亦希別從選序不敢同
在近侍臣之感恩不識爲喻輕黷旒冕懼深冰淵

謝兄除

總目作授

太常丞表

臣某言伏奉今月日恩制除臣兄某太常丞跪發詔書

光駭閭里寵盈益懼喜極而悲闔門感恩垂淚相賀中
謝臣自登兩府修至三旬天地之間未裨塵露雲雨之
施已遍公私撫心載驚顧影增惕伏以臣兄列官清憲
專於察視臣又承弼皇樞課其條職苟憊綱紀責在準
繩所以請移別官冀循常序聖慈曲被命數有加獲陪
卿士之行更列大夫之後遇深賤質誠合懇辭恩及長
兄不敢多讓誓將死節上答生成

爲李晉公謝賜兄章服表

見六百二十九
卷以表作狀

苑咸

謝兄除補闕表

臣某言伏奉恩旨臣兄前長安縣尉某特授左補闕內
供奉賜紫金魚袋踰涯之澤忽降於重霄非次之榮猥
延於同氣自天有命闔室相歡臣某中謝臣兄比因寇
孽潛跡江湖臣侍奉皇輿委身巴蜀艱虞萬里兄弟一
方分成吳越之人久切支離之恩陛下克清禍難再闢
寰區臣兄幸遇休明得歸鄉陌雖骨肉之愛重喜如初

而班秩已停久嗟失職臣昨因對奏遂竭懇誠情至所
陳言將無隱陛下道弘孝理念廣睦親載懷遂物之仁
爰軫在原之急皇慈曲被朝獎仍加擢同補衮之司錫
以腰章之寵況臣官參秩禮任在司言身上列於紫垣
兄遽升於青瑣故得連枝捧日方並侍於軒墀比影朝
天復惣華於朱紫一門受賜舉族增榮斯實眷自宸衷
恩加望外臣比承顧使本不因人今又沐殊私特延慈
旨投軀有地報德無階非臣灰粉所能答效惟當昆弟

相勗以孝資忠螻蟻之負細塵誓將裨補烏鵲之銜微
耗志願填河將九死而猶生豈百年之足謝云

此篇元誤入五百八十八卷公卿雜謝門今移入
於此

爲許卿謝堂弟叔冀授青州節度使表

于邵

臣某言伏

闕

恩制除臣堂弟叔冀青州

刺史兼御史大夫

闕

州節度使不次之恩特

出聖鑒大來之慶

闕

若驚啟處無措臣某

誠歡誠喜頓首頓首臣聞

闕

將將之道也保大

定功將兵之道也然後賞罰之柄懸于日月伏惟光天文武大聖孝感皇帝陛下睿謨廣運玄功莫測保天命以立極伏人心而戡難遂使妖不得爲災謀不得及伐動皆殲潰以靖神人如叔冀者曷爲力也徒以遠奉威靈獲全私懇雖堅守薄節轉戰微功而寵寄雄州榮兼獨坐爲叔冀之非望實舉宗之所懼今復割海岱之衆

創立節度之權超將中軍兼領仍舊受委斯重其憂轉深屬餘孽未除誅剪指日策勳飲至責其總戎勉勵之心伯仲之分以此思効不遑居寧臣緬惟代業竊又自愧臣之父河西節度使先臣某叔冀之父平盧節度使先臣某皆中朝舊勳式遏寇虐東西故事人或賴焉而叔冀何功實膺克荷非臣所感時論皆榮追懷父子之軍信兼國家之報載競載躍無以克堪臣雖偶中外義形骨肉事濟時康死復何恨無任感恩競躍之至謹詣

某門奉表陳謝以聞

爲崔僕射謝許弟寬宣慰表

臣寧言中使馬承倩至奉傳德音持自宸睽矜臣束身
遠鎮兄弟別離許令弟寬與臣相見義切君父恩連骨
肉神鬼驚駭不知所之一生有涯萬死難報臣某中謝
臣實最小衆所鍾憐臣在劍門強逾二紀形影相吊未
嘗棄離忽遇聖朝委臣方面在寬何有累踐班榮職綰
通曹貴通三獨功慙汗馬業謝屠龍禁掖禮闈踰津越

分每一念至刻心如焚縱脂分戰場血染邊草未之云報降此無圖上感推心下排飛謗惟此之際臣知所安但以蕃寇外虞蒼黃後命飲至清廟或未剋期所冀暫來不失宣撫臣之願也每羨聯行獨憐迴鴈長思共易不着新衣無任感戴慙惶之至

爲崔僕射謝弟除給事中表

臣某言伏見某月日恩制除臣弟審給事中寵命自天驚寬無地永惟非據覩面何深臣某載兢載躍頓首頓

首臣家本東周代傳素業衣冠祖襲豈望繁華至於伯

仲雖聞詩禮但欲官常

一作從

詎知生遇聖明日加重寄

擢臣偏將之下錄臣久戍之勤待罪西南時逾一紀分

憂障塞心係兩蕃策無類於燒牛功有慙於求犬長懷

尸素之責重貽門戶之羞今則恩聯兄弟澤及中外在

審何者累踐通班未聞三諫之勤仍添八年之寵將何

以曲承顧問接武名儒分陪掖下之榮專掌殿中之事

在盈知缺居寵思危臨深履薄莫之爲喻伏以王居渙

汗方鎮途遙遠有所聞推疑作謝無及空慙為人之擇
不遂免冠之讓臣無任喜躍屏營之至

代郭令公謝男尚公主表 蘇頌

臣某言伏奉某月日恩制授臣男曖試殿中監駙馬都

尉尚昇平公主聖慈曲被焜耀私門揣分慙恩以榮以

懼臣本寒素類表作愧類表非閱閱幼男弱稚類表又

乏義方陛下以臣備位台司服勤王室時收賤族許以

國姻宗黨生光室家同慶門開魯館地列沁園事出非

常榮加望外恩深義重何以克堪糜軀粉骨不知所報
無任感戴受恩之至

為郭公謝一子三品官表

邵說

臣某言伏奉二月二十一日恩制勅賜臣一子三品之
官并階鴻私曲臨蒐守飛越臣其中謝臣聞祿位之設
以待勲賢苟非其人必貽伊咎臣之弱子未有令聞方
且勵以義方教之詩禮遽承殊澤將授崇班非唯有黷
朝章名器難假實亦懼招官謗顛沛為憂寤寐兢惶罔

知攸處况臣榮登上相任重總戎子弟數人盡居右職
過亢之誠切在於心既懷棟橈之災寧忘屋漏之媿乞
停寵命俯遂愚衷庶幼童無冒進之嫌微臣有知足之
誼無任感懼屏營之至

代李僕射謝男賜緋魚袋表 令狐楚

臣某言臣得進奏院狀報今月七日聖慈召臣男公敏
令對見其日中使馬承倩奉宣進止賜緋魚袋欽承失
圖啟處無地臣某中謝臣才非動衆勇不兼人仰

一作抑

緣枝葉獲展筋力荷天百祿幸據於周詩遺子一經誠
慙於漢史男公敏義方未教容止無儀伏蒙陛下召入
清禁之中立於丹墀之下遠憂顛沛伏用兢惶特受宸

恩榮綰朱紱

八字類表作豈意明命曲臨榮光下燭小
鵬猶佩忽帶金章褐衣纔解便綰朱紱

生成之功不次浸潤之澤無涯重若戴山輝如衣錦
奴未滅方忍恥於愚臣童子何知復受恩於聖主六姻
交賀百衆同歡空竭節於邊陲豈酬仁於覆載銘膚鏤
骨不敢隕墜所守有限不獲陳謝臣無任感戴屏營之

至

謝妻封弘農郡夫人表

代宗

常袞

臣某言伏奉恩命賜臣妻楊氏邑號封弘農郡夫人伏

以古者卿大夫之妻咸曰命婦亦曰

一作云

內子但有稱

謂皆無封邑其後雖有石窳延鄉

陳留風俗傳漢與項氏戰厄於延鄉有翟

丹免其難故改延鄉爲封丘縣以封翟母英華誤作延卿類表闕二字

之錫亦無夫人之

號唯漢魏戚里晉宋外家平原清河疏郡以馭貴建昌

高密啟邑以睦親猶止於郡縣君而已近代著令國朝

相襲階至二品妻封夫人上比鵲巢遠齊翟第禮秩兼

盛等威稍逾其或襄贊

類表作
襄勸

勲臣光華戚屬以茲而

授尚可相循臣以凡賤謬承委遇尸職已久愧心匪寧

仰酬國恩分寸未展內省家事慈渥過豐又蒙曲私霑

及主饋特封嘉號載錫徽章中壺慶其秩高外姻賀其

禮盛儀參貴列寵極私門自顧何功叨榮至此頓逾涯

分退益兢惶無任荷戴屏營之至謹奉表陳謝以聞

謝兄授太子僕表

臣某言伏奉五月十七日恩制授臣兄依前秘書省著

作郎太子僕特恩曲降殊私

一作渥

下雷踴躍宛轉兢惶

震越臣某誠歡誠懼頓首頓首臣自承錄用已積歲時

內省微効未申洎瀝虛受祿俸有覲官榮在公無益於

已多罪

一作己 一作已 寬臣罪

及私之幸又獎臣兄伏以頃冒朝章兄

合坐罪

一作同坐

伏蒙慈貸仍進常班庇

一作卑

賤孤門已墜

復立蒸嘗獲主將廢更存寵被幽明感涕橫集

一作戴 感天日

求之古今

一作今古

無臣此例雖肝膽塗地未塞前責而冀

土餘生尋加後命臣授方鎮

一作

兼錫崇階兄拜宮僚

又參高秩慶聯鴈序澤及翔

一作

飛承命若驚何功至

此愧心跼踏赧汗流離非望驟遷罔知所措殘骸萬死

難以上酬無任感荷兢抃之至謹遣散將某官某奉表

陳謝以聞

謝兄授秘書省著作郎表

臣某言伏奉閏五月二十四日恩制授臣兄太常丞秘書省著作郎臣待罪兢灼啟處不遑寵命存臨驚抃失

次臣某誠喜誠懼頓首頓首臣上負國恩自抵邦憲聖

慈矜宥屈法全生猶許自新特虧令典

一作時令典郡

惶怖隕

越夙夜載馳雖荷殊渥尚憂嚴命臣兄今

一作合

從連坐

伏待貶官不謂玄造曲成鴻私下覆在憂惕之際特受

寵榮當譴斥之時忽承遷轉品秩下降清望有加復齒

周行獲陪班列向非親紆聽斷俯燭幽微則骨肉分竄

於殊方簪裾永絕於昭代豈望更霑人次再沐朝奉罪

重丘山恩過天地感戴慙赧俯伏驚惶臣竊自思惟無

所上報庶將懲改前過克勵殘骸苦節誓心冀申萬一
無任感恩惶一作喜懼之至

代伊僕射謝男宥授安州刺史表

呂溫

臣慎言伏奉某月日勅

集作制書

授臣男宥安州刺史兼侍

御史充武昌軍兵馬留後仍賜紫金魚袋者雷驚里巷

日照閨門寵命自天戰跼無地臣誠懼誠感頓首頓首

臣聞惟君任臣固無虛授知子者父敢私不才臣頃者

伏以聖政惟新時清無事遂絕指縱之望求申戀主之

誠陛下以臣統兵

集作統所

歲深周涉

集作旋

艱險長三軍之

子弟積百戰之瘡痍將有去留念其情義理資感勵事

貴便安爰勅臣男試總戎務臣雖訓之以義教之以忠

而鈍拙

集作朽鈍

有涯策磨靡及童兒

集作子

代斲每懷傷手

之憂小子

集作兒

在邊曾無折屐之喜將何遽膺寵數

集作

命

荐沐恩光真授竹符就加金組且祁午之爲軍尉父

已懸車陸抗之將父兵子非綵服豈比臣身居端右男

領方州鳴玉會朝朱轡行縣

集作樂

焜耀中外超冠

集作超

古今名數之樂何加

集作如

人臣之事斯極千載至公之

運獨被殊私萬物咸遂之辰先蒙曲澤瀝肝呈膽莫盡

微誠毀族滅身

滅集作殞

寧足上報臣無任感恩隕越之至

謹奉表陳謝以聞

代杜司徒謝男授官表

劉禹錫

臣某言伏奉今月一日制授臣長男師損祕書省著作
郎次男式方太常寺主簿又得進奏官裴邁狀報伏承

聖恩特降中使送官告到臣宅分付師損者寵渥非常
授任不次驚躍無措醜懼失容臣某中謝臣繆分重寄
獲守外藩受恩既深無績可紀男師損等器惟凡品教
闕義方早沐睿慈已階官次每懷塵忝常誠滿盈豈謂
鴻霈曲覃大明私照寬臣尸素之責念臣葵藿之誠命
下延恩集作下
延亂息叨踐班級天書出禁中貴臨門榮冠等
夷慶流宗族況著作乃撰論之地唯史才是居太常實
禮樂之司非儒者勿履顧茲庸謬集作
昧忽此超昇內省

慙惶若墜冰谷伏以聖朝立制建官惟賢名實無乖輪
轅盡適微臣父子獨為幸人非據踰涯自中徂外虛受
丘山之賜實增負乘之憂進退彷徨不知所履集作無
據任戰荷屏營之至

代杜司徒謝妻封邑表

王仲周

臣佑言伏奉恩制封臣小男母李氏密國夫人臣某中
謝伏以禮經明文婦人本無爵命秦漢以降優賢以寵
閨門固無繆及有紊彝典臣小男母李氏本非主饋若

貴云因子臣男尚自賤微禮有從夫臣妻又早逝歿豈
伊末品忽被殊私此蓋陛下念臣齒髮漸衰賓祭無主
俾立家而有裕遂開國以䟽封詩美鵲巢懼無德而自
處禮榮翟茀恐負乘以貽災瞻上天而以懼以慙顧中
閫而載榮載躍不任荷懼屏營之至

謝兄除官表

歸 冕

臣某臣伏奉某月日恩制授臣兄前湖南觀察判官侍
御史內供奉賜緋魚袋國子監博士雨露殊私忽霑微

賤儒雅盛職光寵哀門承命震驚感恩踴躍臣聞聖王
勸學庠序為本故堯命后夔典樂以教胄子周立師氏
以教三德漢制博士以教五經歷考校學之官蓋今博
士之任用人之選非賢莫居臣兄幸遇昌時守臣先訓
孤貧好學以傳家業而聖代推恩遂及兄弟位登五品
光賁一門感鵲鴿之詩增友悌之愛齒羔鴈之序媿荀
陳之才况臣受任方隅莫申涓効寵榮荐及灰粉難酬
誓期殺身以酬萬一無任感恩墮越之至

為族兄瑗謝守度支尚書表 王 渭

臣某言伏見詔書以臣族兄瑗守度支尚書三元告慶
萬國朝宗榮命與璧月相輝厚澤與金雲並潤顧其踈
薄寧不震驚臣某中謝臣聞坳堂之水必膠於置杯曲
木為資無階於刻桷何則適用之風斯替其効靡成失
材之道既彰厥功寧著相彼庶物尚或其然矧伊名器
理難冒居一作微臣自料浮淺業藝何甄德匪潤身學
慙為己文辭小道曾無沉鬱之才刀筆淺能非有精明

之舉特以夙因多幸造奉承華猶見錄其疲駘且弗遺

其管蒯高榮好爵疊委屢

疑作屢

縻入掌便繁傍參侍從

事然積步竟慙一割竊妨賢路深希退託降階之念空

誓丹愚昭著之恩更彰綸紱差肩六尚方駕八元內省

輒輕義無祇冒伏惟陛下明兼七曜照及九幽寧在微

臣近虧則哲特願褰茲旒纒察是芻蕘迴此如繪矜其

匪石則失應之善永息得人之美載揚物議允諧朝經


式序不勝

代戶部孫相公謝授兄太常卿表

錢珣

臣某言伏奉今月某日勅命授臣親兄太常卿檢校右
僕射者霑澤下臨私室相慶臣某誠歡誠荷頓首頓首
臣兄某抱公藏器據德有鄰為善而不欲近名從政而
但思利物自臣遽升台輔獲導化源雖向國去私戒臣
常切而入門避事遠謗每深出趨垂拱之朝退務掩闕
之樂陛下禮行舟楫念及墳麓慰其友愛之懷進以優

崇之秩伏以九卿之位歷代所尊舜以三禮命伯夷漢
以奉常加稷嗣倚古則重得人始光用典之難敢言兄
氏方懷慚惕忽荷皇私而階峻銀青寵兼端揆喜溢在
原之屬恩加電疑作軸之臣既激弼諧且弘名教股肱
作輔莫成鎮撫之功手足相須但有胼胝之誓臣無任



文苑英華卷五百九十一

欽定四庫全書

集部

文苑英華卷五百九十二

四

詳校官給事中臣李臺

助教臣常循覆勘

總校官進士臣朱鈺

校對官中書臣胡紹基

謄錄監生臣張元功

欽定四庫全書

文苑英華卷五百九十二

宋

李昉等

編

謝文章

謝撰懿德太子哀策文降勅褒揚表一首

謝撰攀龍臺碑蒙賜物表一首

為納言姚璠等謝勅賜飛白書表一首

為文武百僚謝示鏡圖表一首

謝賜碑額表一首

謝修史表一首

為李僕射賀聖製政刑箴表一首

為戴中丞謝賜中和節詩序表一首

代李令公謝手詔為製東渭橋碑文表一首

代陳司徒謝勅賜麟德殿宴百僚詩序表一首

謝賜中和節御製詩序表一首

為李大夫謝御製詩表一首

謝撰懿德太子哀策文降勅褒揚表

李嶠

臣某言昨奉勅令臣撰懿德太子哀策文臣術異懷蛟
藝非吞鳥四科函丈多謝於文學七子登筵有慙於詞
賦恭聞聖旨輒奏庸音豈足以褒叙重離激揚三善宣
睿慈之惻愴述天顧之綢繆曲降絲綸猥垂剪拂諭之
以雲間日下方之以陸海潘江飾嫫母之容加其粉澤
管砒砒之質發其光彩雖宋玉大言見褒於楚國公孫
下策蒙賞於漢朝無以比比此揄揚方斯恩渥欽戴紫紱
伏銘玄造仰高天而發悻顧短札而成羞無任慙荷戰

懼之誠謹詣閣奉表陳謝以聞

謝撰攀龍臺碑蒙賜物表

臣嶠言伏奉恩勅編撰攀龍臺碑文賜臣物四百段研
精不優篆刻無術下帷闕蛟龍之學搦管慙鳳凰之思
猥辱隆命俾圖光範戴天知跼仰大象而增迷遊聖為
言撫營魂而自失寧足以發揮一德揚推萬分述虞后
之孝思談姬文之睿業而天情不匱帝造無涯式推愛
敬之心用廣褒崇之惠披文相質本殊黃絹之詞頒賞

計勞遂承紫泥之渥荷寵惟懼瞻恩戴覲祇奉之日悚
汗交馳無任慙戴屏營之至謹附洛州奏事使具官臣
某奉表陳謝以聞

為納言姚璿等謝勅賜飛白書表

臣璿等言今月十一日侍晏蒙恩作飛白書題臣等名
字垂賜跪承寶貺仰戴瓊文如披七曜之圖似發五神
之檢九霄靈澤與垂露而同霑千載嘉祥共迴鸞而並
集冠六文而首出掩八體而孤騫眇乎若遊霧之拂春

林雷乎似輕雲之上秋漢頡皇之始模蟲篆未足多奇
劉后之嘗學史書孰云能擬固已工踰懸帳妙盡刻符
鍾繇竭力而難比伯英絕筋而不逮則知乃神乃聖包
衆智而同歸多藝多才總羣方而兼善諒天機之獨運
豈凡識之能窺臣等才埒瓶筭任叨衡右噐滿之誠每
切於愚心棟隆之吉實慙於明代而天慈曲獎聖造不
遺厚祿尊官既殫恩而極寵良辰美景又申歡而接宴
慶方行而已及澤未溥而先加殊恩與骨肉等深縈禮

共衣冠相絕今復親陪眷賞特流宸翰羸氏之魂遊天上未比超昇闕生之名在月中詎方遐邇昔者韓稜深博肇蒙於署劔田鳳名流僅聞於題柱未有芝英草聖近縛於綵牋合璧連珠俯光於掌握在臣叨忝獨冠古今方且示彼記言傳諸貽訓表一人之殊寵留百代之榮觀手舞足蹈徒申踴躍之心摩頂至踵豈答生成之施無任欣戴之至謹詣闕奉表陳謝以聞

為文武百僚謝示鏡圖表 邵說

欽定四庫全書

文苑英華 卷五百九十二

四

開元十八年張說已卒此表乃代宗時英華作張說非

臣等某言某日開府魚朝恩以所造周易鏡圖於中書門下奉宣聖旨傳示臣等仰觀易象遠見天心捧對循環載欣載躍臣其中謝臣聞太極既立是生兩儀六書以畫卦四營而成易備君臣父子之道盡陰陽變化之源理亂吉凶必以類應自古哲后曾未研精爰及近臣莫聞訓習而朝恩深窮損益績以成圖陛下重有激揚示之於外臣幽觀妙用周覽玄言警誠人君恢張治道

陛下欲成其政必在動而行之儻能建中於民實亦天下幸甚臣無任

謝賜碑額表 張說

臣說言伏奉今日恩旨賜先臣碑額悲荷交心拜捧以泣臣其中謝臣亡父先臣隲安貞下位不待昌辰先帝贈之以專城陛下目之以積善光貴重渥感慶三泉舉宗悲喜外姻歡賀昔孔冢吳札之墳秦存里子集作辰季之壟辭集作輕列國義小陪臣豈若天王禮士鳳書旌墓榮軼曩賢道映來籍在臣在子移孝為忠心効草木何酬雨露無任幽明感戴之至謹奉表陳謝以聞

謝脩史表

臣某言伏奉今月十六日勅令臣在家脩史捧恩戴命且喜且慙臣服道儒門策名昌運掌綸四后載筆三朝階緣宿遇登集作躡端揆職為劇於心盡史無用集作而功廢自貽官謗待罪私門反集作魯之感特集作深藏周之望已絕豈意特流天旨重緝簡書雖才慙左丘

欽定四庫全書

文苑英華 卷五百九十二

五

集作馬

而時盛周漢况復編堯舜之年事皆目覩叙羲黃

之德言匪傳聞善志

集作惡

將訓於百王實錄可貽於千

古國家之鴻業辦矣朽臣之至願畢矣不勝天恩難任
之至謹奉表附內侍尹鳳祥陳謝以聞

為李僕射賀聖製政刑箴表 崔位

臣某言伏見聖製政刑箴天文昭回八表皆燭睿藻稽
古六經不刊臣某中謝伏惟皇帝陛下致理和平躋人
壽域猶懷兢業重設箴規酌裁成立政之中求司牧措

刑之本信成康之能事蓋堯禹之用心可以萬邦作孚
千載垂範金石不朽日月俱懸爰自繩契已還歷選列
辟憲章代有詞義罕攻湯製局促於盤銘虞歌淡泊於
琴曲橫汾乃縱賞之事黃竹匪勸誠之文其餘流薄國
風漂淪樂府典謨雅誥寂蔑無聞曷若光啟格言昭融
至道勤萬機於一日二日立盛德於先天後天長垂四
目之明詐假百官之獻臣職惟方鎮宗忝葭莩成誦已
在於丹心述宣願播於青史臣限以所守不獲奔走闕

下拜舞天階無任捧讀跪戴抃躍之至

為戴中丞謝賜中和節詩序表 馬 總

臣某言中使至奉宣聖旨賜臣物書手詔并御製中和
節詩序及尺等天貺荐臨睿文亮發仰觀俯愧祇懼若
驚自受殊恩守茲遠鎮才拙日淺政未及人陛下頻降
寵私驟施惠渥雖大君獎飾其道則然微臣鴛鴦豈宜
及此臣聞先聖有作不相沿襲苟合天理順乎人心則
可以垂憲百王布諸彝典側覽明詔以二月一日為中

和節事因祈穀便賜歡娛兼賜臣御製書序一本尺一枝者伏以仲月良辰首建嘉節朝野慶洽君臣樂康助萌芽之發生擬天地之含育誠所以跨越周漢邁絕古今况聖人麗藻高懸日月皇儲妙翰益覩文明誕告萬方孰不歡抃又書同律度禮均衡石以尺頒賜固協其時敢不佩此謨猷謹於軌範限守邊鎮遂闕稱觴徒觀宴鑄之詩不廁賡歌之末無任兢荷歡躍之至

代李令公謝手詔為製東渭橋碑文表

于公異

臣某言某月日某至伏奉詔命以臣收復聖旨褒揚特
為製東渭橋碑文皇太子書手詔賜臣及將士者驚拜
捧荷魂神飛越臣聞霍光戴漢輔昭立宣鄧禹佐王寧
人除暴或道扶衰運或功格皇天纔聞麟閣之圖適及
雲臺之紀未有事微賞厚用淺報崇迴辰象之天文降
明離之筆札跪捧尋繹慙惶失圖事出古今感深臣子
雖百身墮越曾未賈於片言九族隳離實難酬於一顧

臣其中謝伏惟皇帝陛下邁軒皇之武德續唐帝之文
思六義不足以財成五聲徒表於宣暢躬親庶政而睿
藻日新化洽萬方而宸章間作頃屬克徒扇結都邑震
驚陛下克讓斯在推功勿居迴天漢之文章賜光輝於
臣下英聲茂實演奧窮微昭宣造化之情黼黻義文之
制顧乃上拔彥範次述子儀此皆功贊中興道化來裔
纂循前緒陛下寔紹於耿光瞻慕勲庸微臣固無其影
響此皆二字陛下特標文字曲降恩私激揚雅頌之風

疑

傲厲人臣之節自家刑國垂範作程恩誠借於微臣道
將周于天下足使懷忠服義爭死節以駿奔反側危疑
望皇風而懲革史籍之所未有自此而書人臣之所未
聞自臣而始雖年踰知命筋力尚全國家西有未賓之
戎東有乘邊之寇每煩宸慮尚集王師顧此生涯未知
死所庶捐微瑣之質少益覆載之仁限以戎鎮不獲奔
赴闕庭輕陳懇悃無任荷載惶灼之極

代陳司徒謝勅賜麟德殿宴百僚詩序表

王維

臣某言支使某官奏事迴伏奉某月日手詔賜臣以皇
太子所寫聖製麟德殿宴百僚詩序日月揚光風雲動
色捧受之次震駭失常臣其中謝臣伏以經天緯地者
聖人之文多才多藝者元良之美逃聽前脩旋觀往冊
考論盛事罕見全能故漢后詠歌有乖雅頌之旨周儲
聰哲不聞翰墨之妙伏惟陛下道洽帝堯文趨繫表體
陰陽之變化與雲漢而昭回皇太子德邁生知學資聖

訓掩鍾張之筆札並虬鸞以飛動臣特承湛恩荷此殊
錫集榮光於外府啓重寶於私庭班氏賜書既甚懸隔
馬卿視草曾未比擬又臣所獻奉和詩事等睿疑作廢歌
情同率舞濫吹之音謬塵於天聽踰涯之賞忽降於絲
言豈臣微力所宜負戴非臣捐軀所能効益無任榮荷
感惕之至

謝賜中和節御製詩序表

臣某言中使至伏奉手詔并賜臣皇太子所寫御製中

和節詩序聖澤曲臨天文下降日月爛其光彩風雲蔚
其氣色捧讀驚駭魂守失常臣某中謝臣伏以天地有
常萬物必由其化陰陽不測聖人能為之節然後垂文
章以鼓天下之動張宴樂以道天下之和三五以還盛
美斯在伏惟陛下以道御物以文化成立言盡經緯之
本秉筆節陽和之中雖天旨玄深理絕於彌度而睿詞
煥洽義歸於德邵文輝三象諧同六律邁殷湯之晨露
掩虞舜之薰風皇太子以聰哲之姿篆隸之妙鸞鳳之

勢鍾王莫儔臣備守外藩獲承殊獎荷此非常之賜實
惟希代之寶窺觀則河漢無極負戴則山岳為輕沉族
捐軀何階上答不勝欣感之誠謹獻應制詩一首章句
疎無義理鄙淺君唱臣和歡逢宴鎬之時濫吹徒歌輒
効鈞天之末塵瀆旒宸伏深戰懼無任祇惕之至

為李大夫謝御製詩表

常衮

臣某言伏奉恩旨賜臣詩一篇并酒脯文迴睿思忽懸
日月之光膳自御厨更覩雲天之樂感恩抃躍受賜兢

惶施已重於丘山功未申於毫髮賞則過望臣何以堪
無任感戴悅豫之至謹表陳謝以聞臣某誠歡誠喜頓
首頓首謹言

文苑英華卷五百九十二

欽定四庫全書

文苑英華卷五百九十三 宋 李昉等 編

謝春冬衣

附 祿廩

謝賜春衣及牙尺表一首

為武中丞謝春衣表一首

寒食謝新火及春衣表一首

謝物書賜春衣并尺表一首

謝春衣并端午衣物表一首

謝春衣表二首

謝冬衣表十二首

謝勅書兼賜冬衣表一首

謝加賜防閣品子課及全祿表一首

為第五舅謝加賜防閣品子課及全祿表一首

謝恩賜粟表一首

謝恩放先貸斛表一首

蘇州謝賑賜表一首

謝賜春衣及牙尺表

呂頌

臣某言中使至伏奉某月日勅書及所部將吏僧道百

姓等伏蒙聖恩慰勞并賜臣手詔及春衣兩副金縷牙
尺一面大將衣若干者天睠遐臨恩波荐及跪承寵賞
以懼以慙臣某中謝伏惟陛下德配二儀恩覃九有雖
雲雨之施在物無遺而渥澤所加於臣為幸誠以任叨
藩鎮才本庸虛威望畧不足以暢皇風政術不足以裨朝
政顧慙曠職常用疚懷今又特降寵臣俯延殊獎頒以
尺度承春令之溥臨賜以衣裳荷天慈之遠覆榮均將
校慶被蒸黎歡心積於萬靈喜氣盈於五嶺臣往塵近

掖負敗已彰洎守災隄恩禮彌厚實懼無功之賜敢安
逾分之榮仰戴鴻私捐軀寧報無任感恩瀝懇之至

為武中丞謝春衣表

劉禹錫

臣某言中使某奉宣聖旨賜臣春衣一副王人臨第御
府降衣忤舞失容捧戴無措臣某中謝伏以律當春暮
慶洽時邕萬物被薰風之和九天垂湛露之澤臣受任
非次速尤是虞方懷匪服之憂更荷解衣之賜恩加盡
飾拖朱紫而集作為榮受非以庸顧形影而知集作愧

丹誠徒罄玄造難酬無任踊躍感恩之至

寒食謝新火及春衣表

武元衡

臣某言中使至奉宣進止賜臣新火及春衣等榮煌自
天纖麗同降束帶歛衽盡飾之道已加捧炬迴光照臨
之榮荐及臣某中謝臣以薄才濫居臺憲曠官尸祿驟
涉歲年陛下未責前過尚容舊職忝陪班列兢惕每多
載冒簪纓慙惶益甚今時惟清明律中姑洗當改燧火
既荷惟新之恩未去緼袍更沐衣輕之賜猥霑鄙陋曲

被幽微臣雖至愚豈不知愧伏以先皇之德未報陛下
之澤又深揣分循涯過叨獎遇將仰申裨補俯効涓埃
惟當以火燭心焚灼不忘於盡瘁以衣屨已曳屣常誓
於靡軀嫉惡觸邪進賢惟善有死莫貳知無不為伏冀
聖慈鑒臣丹慊一作悃無任踴躍屏營之至

謝勅書賜春衣并尺表

令狐楚

臣某言去二月日中使某至伏奉勅書手詔并賜臣春
衣一副牙尺一條宸翰歲蕤寵錫稠疊捧受榮忭如將

不勝臣聞衣裳在筭與必有道刀尺為器用惟其人臣
魯國小儒漢庭下士因緣霈澤汙染官牒顏嘗忍愧心
不容憂陛下仁發於中惠周於外矜臣以濕暑之患賜
之葛衣念臣無忖度之能降其寶尺輕新有楚廣狹不
踰被服而炎蒸坐銷秉持而長短立辨揆才量力將何
補於分寸運肘延頸實有塵於領袖當期畢命無以酬
恩臣無任

謝春衣并端午衣物表

臣某言今日日中使周某至奉宣口勅賜臣春衣一副并端午衣一副銀枕一口百索一軸累受寵光載懷兢懼自揣涯分若臨冰淵

唐諱

臣某中謝臣以昧於知人交

通元載合從牽累伏待刑章豈謂俯迴宸翰特有殊賜罪當褫帶忽頒御府之衣憂可傷生重延長命之縷更加珍器曲被深恩徒懷推食之仁立遣

疑作
遣

素飡之責

施均雷雨荷重丘山雖畢命以自期終粉身而無恨臣無任

謝春衣表

臣某言中使某至伏奉勅書手詔兼賜臣及大將軍等
春衣一副金縷牙尺一條拜奉天書光生萬里即受殊
賜喜溢三軍臣其中謝臣素以庸虛特承聖獎寄深分
闡恩重丘山祇奉朝章布宣皇澤藩夷即叙懸道廓清
將士無戰伐之勞四時沾衣服之賜况榮頒尺度禮叶
典經敢懷寸進之心空積違顏之戀臣無任

同前

劉禹錫

臣某言中使陳日華至伏奉聖旨慰勞臣及將佐官吏

僧道耆老

集作壽

百姓等并賜臣墨詔及春衣兩副大將

衣四副王人捧詔御府降衣寵光不隔於遐藩慶賜猥

霑於裨將臣某中謝臣素乏器能謬膺驅使每慙効薄

常懼食浮陛下單以至仁均其厚施宰元和而布澤順

時律以頒衣出自禁中賁于臣下執領繪而并舞失次

被纖柔而顧眄增輝舉體動容既安且吉在身不稱恐

招鷓翼之譏居任

集作位

無功叨受鶴紋之賜下延將校

同荷生成

謝賜冬衣表

陳子昂

臣某言中使某至伏奉某月日勅書慰問將士官吏僧道耆老等并賜臣手詔及冬衣兩副大將等衣一十五副者天慈遠致聖澤傍流海隅臣庶忭舞相慶臣其中謝伏惟陛下道宏文武任切藩維遠念戎旅之勤亟頒時節之賜臣以謬膺寄理載涉炎涼効績無聞徒負歲時一作負恩私每降慙懼不寧今又俯泐宸慈曲延寵

敗將及

齊當戒寒之初候沐挾纒之殊榮佳氣集於城池喜容
生於草木三軍叶慶萬井相歡况臣荷寵逾涯忝恩滋
甚營燭無裨於景曜畎澮徒願於朝宗竦踴遐方感戀
俱切無任感恩荷懼屏營之至

同前

呂頌

臣某言中使至伏奉物書手詔并賜臣冬衣一副大將
衣兩副九霄垂露忽降天文萬里飛輶更頒盛服臣某
中謝臣凡庸淺劣才不逮人謬荷國恩猥居方鎮自宣

風撫俗猶未周星朝章已布於蠻夷聖澤載覃於遠道
將士等干戈久戢歲月空深曾無橫草之功累受賜衣
之慶伏以陽和生植不隔薰蕕日月照臨寧分遠邇喜
溢要荒之外榮均將校之中蚊蚋力微丘山難荷無任
感戴兢惶屏營之至

二

臣某言中使至伏奉某月日勅書慰問將士官吏僧道
并賜臣手詔及冬衣兩副大將衣五十副者清禁絲綸

特臨遠鎮中天雨露忽灑炎州感戴殊私抃躍無據臣
其中謝臣頃踐臺司已招負敗洎分戎閫又寡威謀陛
下黈纁闕遺含宏尸素恩深全宥德邁生成地偏而頒
賜每臨節換而授衣先及王人宣勞降自烟霄宸翰昭
融如瞻日月綢繆睿睠咫尺天顏三軍激踴躍之誠五
嶺溢謳歌之響皇慈溥洽顧品物而均榮寵渥謬加在
微臣而均懼非勤勞以受賜徒跼踖以祇恩灰壤為期
豈云上報感恩荷懼屏營之至

同前

皇甫冉

臣某言中使某至伏奉勅書手詔賜臣及兵馬使都虞
候冬衣各一副拜受綸言跪承珍服荷同山岳懼比冰
淵嚙臣某中謝臣功微草芥寄重藩條每懷尸祿之羞
實負曠官之耻豈謂天文迴照不隔於遐方御府頒衣
更蒙於陋質傍沾偏將曲被殊私挾纊既及于三軍酬
恩將期於萬死無任

二

臣某言伏奉聖恩賜臣冬衣四襲跪捧驚喜抃躍交馳
臣某中謝臣功效微薄任遇寵榮使降專人衣裁御府
寵光既極恩已及於解衣雨露既濡德又承於挾纊實
亦發輝陋質煥赫私門未知此生何以仰報謹當訓勵
師旅式遏邊陲用宣力於百身酬鴻私於一顧無任云
云

三

臣某言某月日中使某至伏奉勅書手詔並賜臣冬衣

一襲者清風早至白露初凝方思挾纊之温忽報頒裘
之禮跪拜受服形媿惕然臣某中謝臣學非博古才不
動衆幸逢開泰列在方隅天高地厚未知所荅而時雨
露洗太陽昭燭王人捧詔每降於上天御府賜衣不遺
於下土既甚輕暖加之麗密束帶而立周旋有光驚寒
沍之難侵賀威靈之曲被無任感恩

同前

權德輿

臣某言九月二十日中夜孟國瑤至伏奉某月十七日

勅書手詔慰諭臣及將佐僧道百姓等并賜臣冬衣兩副大將冬衣共四副者詔旨曲臨慶賜旁集凡在裨校一其懽愉臣某誠歡誠喜頓首頓首臣自違奉闕庭保釐河洛異戎師式遏之任非封部底貢之勤坐叨名器所謂尸素月日云邁寒暑迭來再及授衣之辰每蒙挾纊之澤被服輕煖章施賤陋彼已不稱於臣則多雖竭捐軀之誠豈迓濡翼之刺撫躬愧畏上答何階無任慙懼感戴之至謹奉表陳謝以聞臣某誠惶誠恐頓首頓

首謹言

此篇舊誤編在六百三十三卷狀門今移入于此

同前

令狐楚

臣某言某月日中使至伏奉勅書手詔等捧戴拜賜榮
感兢惕軍城歡抃海曲光輝臣其中謝伏惟尊號皇帝
陛下至仁育物玄德統乾恩被生靈惠周遐邇臣猥蒙
寄任謬領方隅寒暑驟移庶績罔紀王人忽降慈旨曲
臨涉遐遠之道途敷殊常之渥澤詔書既啓仰觀垂露

之華珍服俯臨實懼維鷄之刺慶同戎府榮及閨門况
節戒玄冬戀深卅闕投衣感自天之錫盡力堅粉骨之
誠屬垂溥天和布代化萬方昭泰四海無虞空知報効
之勞願同犬馬未展涓埃之績何答丘山寢興靡遑慙
懼交集無任受恩悃懇之至

同前

劉禹錫

臣某言德音爰錫降自煙霄黔黎沐賜共承睿渥臣某
中謝伏惟皇帝陛下誕敷文教丕變時雍遐邇克清翔

泳咸若臣繆膺寵任每愧素餐荷海岳之私無毫釐之績式用衣裳在笥之戒惟媿輕暖被身載詠維鷦在梁之詩罔知死節之所誓當訓勵士伍寧輯閭里盡瘁竭心以酬天造臣與大將等無任感戴屏營之至

同前

臣某言恭承御封捧授恩錫喜懼交集精魂若飛臣某中謝臣夙荷寵榮累仗旄鉞西戎未殄無式遏之勞東郡已安有息偃之逸高秋空度永夕知慙陛下亭育深

慈生成大德三軍挾纊俯聽綸言九月授衣載馳天使
臣被服既畢感戴難勝誓當罄節苦心死生立効敢以
微軀陋質麗靡自安臣所守有限不獲奔走丹墀犬馬
微誠伏增竊戀臣無任

同前

為杜
相公

臣某言中使王國清至伏奉聖旨慰勞臣及將佐官吏
僧道耆壽百姓等并賜臣墨詔及冬衣兩副大將衣四
副者大明昭回遠燭下土殊錫稠疊延及偏裨慶忭失

圖捧戴相賀臣某中謝臣謬承委寄獲守藩條灰瑄屢
移塵露無補陛下至仁天覆玄化風薰頒以蕪衣賁茲
瑣質降自天府光于轅門緘滕既開覩綵章之盛飾蹈
舞而服發溫燠於初寒愧塵補袞之名更荷解衣之賜
恩波下浹將校同霑共戴殊榮咸思竭節生成是荷雨
露難酬臣無任云云

同前

符載

臣某言中使某至伏奉詔旨并賜臣及將士冬衣等來

自九天頒于下土手捧目視霞開雪凝是何眇爾之賤
質膺此爛然之盛服臣某中謝臣久在藩條無裨政術
每懼素飡之責以成負乘之羞陛下含貸優容天覆地
載伏念微臣之羸老且憂將校之寒沍賜之以衣服寵
之以光榮俱無汗馬之勞已有維鷄之刺雖君父德大
不求於所酬而臣子感深自期于必死無任感恩懇激
之至謹奉表以聞

謝勅書兼賜冬衣表

獨孤及

臣某言伏奉某月日勅書慰問將士等跪承寵錫仰荷
天慈忭躍周章不知所措臣某中謝陛下體仁恤遠崇
德念功恩浹勲賢禮優方國臣行能無取志畧非長徒
以嘗謬台司遂叨藩守誠寬覆餗之罪更切致寇之憂
豈謂宸睠不遺天波荐及獎飾加於尸素愚意逮於庸
微嶺嶂萬里迴日月之私照偏裨一介沐乾坤之厚施
緇黃載躍班白相歡騰喜氣於城壘舞祥風於旌旆臣
曠官已久無補休明戀闕滋深又移寒燠累忝逾涯之

賜敢安非據之榮丘山至重灰壤寧報無任感恩戀主
屏營之至

謝加賜防閣品子課及全祿表 李 嶠

臣某言伏奉恩旨加賜臣防閣品子課及全祿並以特
進全給身若在京仍朝朔望者臣自叨榮職無補分毫
抱疾沉疴有踰年歲蒙賜臣骸骨得守丘園方從麋鹿
之遊分隔鴻鴻之侶不謂皇私廣被天造曲成迴日月
之光更臨幽側降雲霄之澤俯潤凋枯歲時頒廩藏之

儲朔望接縉紳之禮無績無効虛忝於恩榮非才非賢
謬霑於祿秩仁慈出於分外寵渥生於望表丘山厚澤
猥及下流草木輕生何階上答臣苦腰脚軟弱不獲躬
詣闕庭拜謝無任慙悚喜荷之至謹因畱守奏事奉表
陳謝以聞

為第五舅謝加賜防閣品子課及全祿表

臣某言伏奉恩旨加賜臣防閣品子課及祿并全給身
若在京仍朝朔望者臣運偶時來久叨匪服鍾鳴漏盡

得保懸車逢舜歷之邕熙遂堯人之耕鑿乾坤含養之
德尚貸光陰雨露霑霑之恩不遺枯朽特降綸旨優加
祿秩更沐天慈許朝朔望大賜造於平分之外收無能
於委棄之餘荷澤蒙榮空深於忭躍殘生餘喘豈期於
答効無任慙悚喜荷之至謹附中使某官某奉表陳謝
以聞

謝恩賜粟表

劉禹錫

臣某言伏奉今月一日制書以臣當州連年歉旱特放

開成元年夏青苗錢并賜斛斛六萬碩仰長吏逐急濟

用不得非時量有抽歛

其有於字

百姓者恩降九天澤周萬

姓優詔纔下羣情頓安其誠歡誠喜頓首頓首伏以災

沴流行陰陽常數物力既竭人心匪遑輒敢奏聞本求

賑貸皇恩廣被玄造曲成既免在田之征仍頒發廩之

賜臣謹宣赦文節目彰示兆人鼓舞歡謠自中徂外臣

初到所部便遇儉時今蒙聖慈特有賑恤主恩及物已

為壽域之人衆意感天必有豐年之應臣恪居官業不

獲拜舞闕庭臣無任

謝恩放先貸斛斗表

臣某言臣奉五月二十九日勅牒據度支所奏諸道節
度觀察使及州府借便省司錢物斛斗等數內當州欠
三萬六千二十三貫石並放免者殊私忽降逋債滌除
藩一作集方永安遐邇咸悅臣某誠歡誠喜頓首頓首伏
以闡輔之間頻年歉旱田租既湏矜放公用交不支持
承前長吏例有借便以救一時之急皆成積欠之名既

未支填常懷憂懼聖恩周洽洞見物情爰命有司使之
條奏去其舊弊衆已獲安嚴立新規人知所措臣恪居
官次不獲拜辭闕庭臣無任忭躍屏營之至

蘇州謝賑賜表

臣某言伏奉去年二月十五日勅蘇州宜

非作宣

賜米一

十二萬碩委刺史據戶均給者恩降九天澤流萬姓伏
以臣當州去年災沴尤甚水潦雖退流庸尚多臣前月
到任奉宣聖旨闔境老幼無不涕零詢訪里閭備知凋

察方具事實便知奏論聖慈憂人照燭幽遠特有賑卹
救其災荒蒼生荷再造之恩儉歲同有年之慶臣忝為
長吏倍萬恒情謹奉表謝以聞

文苑英華卷五百九十三

欽定四庫全書

文苑英華卷五百九十四

宋 李昉等 編

謝茶藥

果子錄
帛附

代武中丞謝新茶表三首

謝賜新火及新茶表一首

為田神玉謝茶表一首

謝衣藥表二首

謝賜廣利方表一首

謝賜藥方表一首

謝賜衣甲及藥物等表一首

為宰相謝賜果實等表一首

代武中丞謝賜柑橘表二首

為武中丞謝賜櫻桃表一首

謝進橙子賜茶一首

為御史大夫婁師德謝賜雜綵表一首

為定王謝賜錦衣表一首

謝勅書及綵綾表二首

為封大夫謝勅賜衣及綾綵表一首

謝內宴賜錦綵器物等表一首

謝賜銀器及疋帛等表一首

謝恩賜錦綵綾銀器等表一首

代武中丞謝新茶表

劉禹錫

臣某言中使某奉宣聖旨賜臣新茶一斤猥沐深恩再
需殊錫承旨慶忭省躬慙惶臣其中謝伏以貢自外方
名集作物殊眾品効參藥石芳越椒蘭出自仙厨俯頒私

室義同推食空荷於曲成責在素餐實慙於虛受臣無任

二

臣某言中使竇國晏奉宣聖旨賜臣新茶一斤猥降王人光臨私室恭承慶賜跪啓緘封臣某中謝伏以方隅入貢採擷至珍自遠貢來以新為貴捧而觀妙飲以滌煩顧蘭露而慙芳豈柘漿而齊味既榮凡口倍切丹心臣無任

同前

柳宗元

臣某言中使竇某至奉宣聖旨賜臣新茶一斤者天曠

忽臨時珍俯

一作
驟

及捧戴怵驚以兢

集作
喜

以惶臣某中

謝臣以無能

一本作
惟辱庸

臣謬司邦憲大明首出

一作臨
照非

得

親仰於雲霄渥澤遂

一作
流

行忽

一作
遽

先霑於草木况茲

靈味

一作
品

成自遐

一作
速

方照臨而甲拆惟新煦嫗而芬

芳可襲調六氣而成美扶萬壽以効珍豈臣

集作
可非

賤微

膺此殊錫斷恩敢同於嘗酒滌慮方切於飲水

十四字
一作感

思思効百
倍恆情

撫事循涯隕越無地臣不任感戴欣忭之至

此篇本卷重出今已削去注異同為一作

謝賜新火及新茶表

武元衡

臣某言中使至奉宣聖旨賜臣新茶二斤者慈澤曲臨
恩波下浹光燭閭里榮加賤微驚歡失圖荷戴無力臣
其中謝臣庸瑣無堪謬叅風憲曠官尸祿已涉歲年竊
位妨賢心知不可陛下宏上天之私覆迴白日之餘光
錫貢頒榮布芳新於令節鑽燧改火燭幽昧於蓬門既

荷惟新之恩更沐時珍之賜將何以仰申裨補俯効涓埃惟當焚灼丹誠激勵愚魯况先朝之恩未報陛下之澤又深省分循涯伏增隕越無任感戴屏營之至

為田神玉謝茶表

韓翊

臣某言中使至伏奉手詔兼賜臣茶一千五百串令臣分給將士以下聖慈曲被戴荷無階臣某中謝臣智謝理戎功懃蓋冠前恩未報厚賜仍加念以炎蒸恤其暴露榮分紫笋寵降朱宮味足蠲邪助其正直香堪愈病

沃以勤勞飲德相歡撫心是荷前朝饗士徃典犒軍皆
是循常非聞特達顧惟荷幸忽被殊私吳主禮賢方聞
置茗晉臣愛客纔有分茶豈如澤被三軍仁加十乘以
欣以忭感戴無階臣無任

謝衣藥表

張說

臣某言伏奉某月日恩勅賜臣衣及藥渥流璿極綵溢

旌門拜奉忭

某作戴

舞感戴忻越

某作載欣

臣受律虧方扞

城無寄偏師不振逋寇仍滋進慙計日之功退積踰時

之咎誠合歸罪司寇以壓深責豈圖天寵猥臨宸慈寬

假當從褫服

英華作
敗非

轉承且吉之衣宜肆典刑翻加有

喜之藥毀車夷馬復振鑿和窮灰枯莢

集作
莖非

重殷

集作
數

榮燄跼影邊塞馳心闕城微命易殘

集作
校

生成難謝無

任感戴之至

謝賜藥表

臣某言去年某月日於右銀臺門蒙天恩引對特承慰
問攝理無方以致熱疾緣在假內不敢奏聞聖慈憂軫

詔使臨門伏枕在床雖體氣未適趣風拜命覺膝理遂
平恩榮豈止於丘山朽質永延於龜鶴無任感戴之至
謹奉表陳謝以聞

謝賜廣利方表

劉禹錫

臣某言中使至伏奉某月日勅書手詔賜臣元集要廣
利方五卷者將吏森列黎元寂聽絲言溥及感荷德音
緗帙頒開皆覩聖作臣某中謝伏惟皇帝陛下玄風御
宇教以五常赤子愛人念其六疾遂長驅和扁高視農

軒刪彼繁蕪撫其簡驗莫匪十全之妙不勞三代之醫
况慮軫服乘療羣牛馬圓首方足畢荷亭育之恩含齒
帶骼盡歸仁壽之域臣奉明詔併工繕錄俾封疆之內
日月俱懸雖聾瞽而必知在幽偏而亦達臣所守有限
不獲奔走闕下蹈舞彤庭無任踴躍屏營之至

謝賜藥方表

符載

臣某言中使朱萬春至伏知聖旨念臣風疾賜臣手詔
并賜御札藥方四道天使忽臨宸翰猶濕跪捧驚越不

知所從臣某中謝前月九日臣飲食失宜誤為熱風所
中初甚沉頓肢體不安今漸調護稍用衰退伏以微臣
之疾貽陛下之憂降駟騎於雲霄出神方於禁掖循端
究末味密思精補神農之闕遺蔑桐君之漏畧乾坤懸
重螻蟻感深將欲調和已知平愈此所謂半枯之樹遇
陰陽而扶踈既涸之魚值洪波而奮迅仰天忤躍踣地
兢惶惟兩曜以鑒誠何百年之可報不勝感戴懇迫之
至

冠一時漢主賜人空聞寶劍宋朝頒藥但理金瘡豈如
兼備五兵盡蠲萬病榮茲陋質感戴奚殫無任感恩捐
軀之至

為宰相謝賜果實等表

孫 逖

臣等今日頻承賜賚累降珍鮮飽德空深荷恩無力伏
以甘果之實今則非時寧唯自遠而來固亦以少為貴
當供御膳以備天厨何幸小人之腹忽辱非常之賜未
施塵露空忝稻粱悚戴慙惶罔知攸措謹奉表陳謝以

聞

代武中丞謝賜新橘表

劉禹錫

臣某言中使某至奉宣聖旨賜臣新橘若干顆特降恩
光猥頒慶賜珍踰百果榮比兼金臣某中謝臣伏以丹
實初成包貢爰至芬馨味重方列於御筵雨露恩深忽
霑於賤品感同推食事等絕甘豈惟適口為珍實冀捐
軀上荅臣無任感戴之至

代武中丞謝賜新柑表

臣某言中使某至奉宣聖旨賜臣新柑若干顆猥集作持

降殊私再頌名果自遠稱貴以新為榮臣其中謝伏以

果實既成南方有貴瓊茅合貢中禁為珍集無此四字方外

貢來人間未覩黃苞輝影雕俎增華芬芳初佐於天庖

慶賜忽霑於集作遂霑於凡口甘踰萍實剖食既同於楚謠

寒比柘漿析醒何慙於漢史恩光斯重尸素彌彰誓當

捐軀以申上荅四句集作感恩思効倍百恒情臣無任感戴之至

為武中丞謝賜櫻桃表

柳宗元

臣某言中使某至奉宣聖旨賜臣櫻桃若干顆者天睠
特深時珍洵降寵驚里巷恩溢圓方臣某誠喜誠懼頓
首頓首伏以含桃之羞時令攸貴况今採因御苑分自
天厨使發九霄集繁星而積耀味調六氣承湛露而不
晞盈背而外被恩光適口而中含渥澤顧慙素食彌切
自公豈徒君子所先遂厭小人之腹無任感恩喜荷
集作
懼之至

謝進橙子賜茶表

常袞

臣某言中使某至奉宣恩旨以臣所進太清宮聖祖殿前橙子賜茶百串榮齊非次承命兢惶伏以陛下尊玄元於上宮本枝既盛降馨香於嘉木果實自珍常令護領之司及時採掇以進臣謬當率職正在戒期豈望皇澤之曲臨寵及下臣之私獻貪天是懼踏地戴惶無任為御史大夫婁師德謝賜雜綵表

李嶠

臣某言顯福門宣勅出綵八十段賜臣充軍裝臣才質

駑下智能短乏謀非上畧識豈中權謬奉殊私猥叅大
任雖鑿門之志必掃妖凶而受鉞之功未宣戎幕遽延
寵命先承優賞懷恩揆拙既懼且慙唯當誓骨銘心永
緘天地之施觸鋒突刃常為士卒之先庶邀犬馬之勲
遂滅鯨鯢之黨七擒三捷誠所庶幾九死一生豈敢還
顧無任悚戴歡忻之至謹奉表陳謝以聞

為定王謝賜錦表

臣攸暨言伏奉恩旨以臣昨扈遊上苑執轡還宮特賜

臣瑞錦一疋臣某中謝承輝日月漸潤雲霄叨符聖慈
累延宸照遂得入陪金殿出捧玉輿瑤水叅八駿之遊
璿臺翊三龍之舉榮兼侍從寵冠宗枝捧日無以儷其
歡登天未足儔其樂昔蟻封啓繇不迴叅乘之恩駟馬
從良寧承附輿之澤在臣叨忝實邁古今徒欣不世之
榮豈望非常之賜况臣地兼臣子職奉君親曁尋咫尺
之途纒捧神仙之馭有何殊効合降隆私陛下恩愛曲
成綢繆累洽俯迴珍異猥及庸微跪開絨題伏視文彩

爛若朝霞之初起，曠如春花之競發。成都濯具本自非
儔，朝鮮製衣制如難擬。方且裁而學政，希勉勵於天工。
服以晝遊，庶光榮於戚里。効微施廣，徒益慙惶。恩重命
輕，罔知酌荅。無任悚佩之至。謹詣閣奉表陳謝，以聞。

謝勅書及綵綾表

李邕

臣邕言：內使左立真至，伏奉去年五月二十日御禮慰
問，并賜綵綾章服，跪捧天書，勢在龍虎，仰瞻禮物，色映
虹霓。慙戴汗流，戰懼心慄。臣其中謝，臣聞食曰：人天實

生生之厚道稱物母得存存之多伏惟陛下載以坤輿
覆以乾宇排衆口之謗開獨見之明生臣存臣至於數
四寵及問及彌於再三豈魯陽宵人景日迴照荆樹散
木慶雲結陰臣是以坐有所思行冀所得求西山之藥
願補聖躬論東戶之人以分帝念識愚不足以廣聽事
蹟不足以動忠夫何望焉非所隱也豈謂塵壤見納推
言不遺獎以及誠許以佳士澤深巨海德重崇丘曷云
家奉賜書光華九族物延世

唐諱

舊褒寵百齡涑水之

龜且能迴首黃華之鳥將以誓心惟報主之末由恐殺身之無益不任戴荷欣躍之極謹因內使左立真附表云云

二

臣某言伏奉去年月日御札特賜臣章服綵綾等八體神變迴龍鳳之殊姿五色暈開動雲霞之仙氣臣誠歡誠喜頓首頓首臣聞礎之潤也是足興雲戈之鋒也或能照水雖言微物有以上通常未察焉今可明矣伏惟

陛下一武一文廓彌綸之道乃神乃聖疏造化之元盛
業極天鴻休終古子育庶物臣伏百蠻溟渤不波沙朔
無障太平之律大聖之功不得已而用之猶且增高彌
短廣大衆流錄賢傾宇內之心捨過求天下之俊所以
喁喁者將百身以効節區區者願一報以瀝肝况臣拔
自九原出於萬死再收骸骨更造衣冠舌在不足以歌
充命存未能以報國豈謂上仁德廣澤利無益之臣博
愛理深慈育不才之子天門下詔橫筆陣於長山御府

賜衣列錦川於淄水臣道子道何顏受之今恩昔恩曷
云報者戴天知重望日懷慙無任悚惕震惶感戴忭躍
之極謹昧死遞表陳謝以聞

為封大夫謝勅賜衣及綾綵表 張 渭

臣某言中使某至奉宣勅旨賜臣衣若干事目覩綵綸
手披篋笥新衣二稱虹霓間出綵綾五色鸞鶴互飛臣
受鉞西門建旗北府地僻萬里天違九重豈意仁出於
聖心賜出於御府白日亭午忽蒙慶雲之惠清秋屆節

偏承玉露之恩負丘山而忘疲瞻闕庭而莫見臣無任

謝內宴賜錦綵器物等表
常 袞

臣某言伏奉恩旨賜臣內宴仍賜錦綵綾絹四百匹瓶
盤五事衣一副并柑橘等殊常之寵上戴若驚伏惟寶
應元聖文武皇帝陛下恭儉以行禮慈惠以布政式厚
君臣之義爰崇饗宴之道至如醴以命宥幣以將意非
有方叔之勲魯侯之親則不可以禮奉和之樂溥將之
也臣以至愚承弼無益尸官夙夜自惟兢惶失次尚蒙

慈恕猶辱樞銜荐沐鴻私歡承嘉惠接雲霄之上境陪
勲戚於內朝宸威俯臨以戰以悚中食循省實慙孤賤
微生遭逢一至於此睿眷流渥慈賞過豐廣乾坤而行
慶俾下臣之受福束帛加璧申錫在於王庭珍噐黃相
浹洽至於歸第拜恩初喜審分增憂臣實非才事無任
効待罪已久冒榮則多况戎患未寧寅車尚駕聖懷所
軫日旰忘勞躬行儉素以濟軍國臣之俸祿猶合助邊
臣之服用敢安私室今又俯霑慶賞將此勞臣雖宏覆

曲全務於均施而冊誠上感實愧無功不勝荷懼屏營之至

謝賜銀器及疋帛等表

此篇是辭賜表非謝表

于邵

臣某言今日日中使奉宣進上賜臣銀器壺瓶合各一銀椀一并蓋錦帳一錦九疋白熟綾十疋色羅五十疋雜綵一百三十疋者恩私荐及跪捧增慙雖雨露殊深而心魂若厲何則臣之受遇有異朝班任重元戎榮登

上相自當盡瘁與國同憂豈比常人妄加厚賜况戎夷
初退帑藏猶虛每欲傾家以供國用區區之願神明所
知乞回此物復歸內府下以備六軍之寵賜上以奉一
人之宴私臣之鄙懷於斯萬足其器物等臣已勒押衙
試少監郭某詣右銀臺門別狀奉進

謝賜錦綵綾銀器等表

高郢

臣某言伏奉恩詔以告祔禮畢賜臣錦綵一百五十疋
銀椀一無庸受恩不知所指臣其中謝伏以禘祫元祀

從祔大經酌禮求中聖情合於天地奉先致孝精意刑
於四海臣職叨禮闈一作祔獲奉皇猷欣盛典於無窮顧
微生而何補謬霑慶賜竊自慙惶無任



文苑英華卷五百九十四